

constructivo. No obliga e mucha mordi y esun cu a mord'e pa hunga cu otro. Alomenos cu nan mes kier hunga cu otro.

Kico pa haci ora bo yiu ta e victima?

E ta practicamente imposibel pa e victima por anticipa ki ora otro mucha ke morde. A pesar cu bo ta sinti emocion fuerte pasobra nan a morde bo yiu, e miho manera pa acerca e situacion aki ta papia cu e lider pa atende cu e situacion. Nunca encurasha e mucha pa morde bek.

Kico sigur lo no stop e mordemento?

- Zundra e mucha of straf e pisa. E mucha cu ta morde lo no stop si bo ta lag'e sinti berguensa of bo ta straf e pisa. Esaki ta aumenta su miedo y su preocupacion, cu na su turno ta aumenta e mordemento.
- Morde e mucha bek. Esaki lo siñ'e cu ta ok pa morde hende ora bo ta rabia, frustra, etc. E no ta e manera apropia pa reacciona riba mordemento. Tene den mente cu mordi di hende ta algo peligroso y si abo, adulto, morde un mucha bo ta comete abuso di mucha.



Conclusion

Ta importante pa corda cu siña comportacion nobo ta exige tempo. Aplica e tipnan anteriormente menciona, enfatisa bo mensahe y duna e yiu espacio pa cambia su comportacion.

Pa mas informacion por aserca:



Cumana 2,
Tel.: 583 4247 of 588 0856
Fax: 583 5658
Website: www.fpnm.aw
E-mail: info@fpnm.aw

Adaptacion di:

"Responding to toddlers who bite" - Zero to Three of www.madeformums.com

Coreccion:

Fundacion pa nos Muchanan

Ilustracion:

Anita Prici

Layout:

iD - creative marketing people

Financia pa:



Gobierno di Aruba

Muchanan chikito cu ta morde

Con pa anda cu e situacion aki...



Introduccion

Bo a yega di haya bo cu un mucha a morde bo yiu of bo yiu a morde otro mucha por ehempel na un speelschool? Bo tabata sa cu mordemento ta un comportacion basta comun bou mucha chikito te cu 3 aña. Kico tin tras di e comportacion aki y con mester anda cu ne ta topico di e foyeto aki.

'E mordedo'

Pa cuminsa, mester evita di pensa of pa yama e mucha 'e mordedo'. Pidi otro personanan involvi tambe pa haci mescos. Ora bo yama un mucha 'mordedo', e mucha ta tuma e identidad aki over y e mordemento por bira pio.

Dicon mucha chikito ta morde?

Algun motibo cu un mucha ta morde ta:

- Falta di habilidad pa expresa su mes cu palabra. Palabra ta necesario pa un hende por expresa necesidad y sentimiento fuerte manera rabia, frustracion, alegria, etc. Ora e mucha morde e ta expresa un mensahe cu ainda e no por expresa cu palabra, manera "Mi ta hopi rabia riba bo", "Bo ta para mucho cerca di mi", "Mi kier hunga cu bo".
- Molester di zonido, claridad (luz) of otro tipo di situacion cu ta molesti'e.
- E ta purbando y experimentando pa sa kico por pasa.
- E tin mester di mas tempo pa hunga of e ta demasiado cansa.
- E ta sacando djente y ta sinti gana pa morde algo (estimulacion oral).

Generalmente mordemento ta stop ora un mucha tin tres pa tres aña y mey.

Kico bo por haci pa preveni mordemento?

Con pa identifica situacionnan prome cu mordemento tuma lugar:

- Kico a pasa net prome cu e mordi?
- Cu kende e mucha tabata hunga?
- Kende a wordo mordi? E mesun mucha, of cada biaha un otro mucha?
- Unda e mucha tabata y kico e tabata haciendo (ta conta pa e victima y esun cu a morde)?
- Kende tabata wak pa e mucha?

Si bo mira señalnan cu e mucha ta bay morde, bo por:

- Uza un co'i hunga of un buki cu e intencion pa baha e tension y hala su atencion pa algo otro.
- Siñ'e bisa loke e ta sinti, por ehempel, "Lisa, bo ta para mucho pega riba mi." "Mi no gusta bo mishi cu mi cabey".
- Ofrece algo cu e por morde y kauw riba dje si e tin necesidad pa morde algo, manera un buscuchi soda, wortel of un 'bijtring'.
- Siña e muchanan maneranan pa comparti cu otro. Por pone un timer pa nan sa con largo nan por hunga cu un cierto co'i hunga. Si ta na un centro di mucha, percura cu bo tin mas di e co'i hunganan cu e muchanan ta gusta hopi.



Ki pa haci ora bo yiu ta morde?

1. Tene bo propio sentimentonan bou di control. Ora bo yiu ta morde, bo lo sinti por ehempel frustracion, rabia, berguensa y of preocupacion. No reacciona ora bo ta sinti bo asina. Calma bo mes prome cu bo responde, conta te 10, hala un rosea profundo y haci loke tin e miho resultado.
2. Cu bos firme (no grita, no rabia) bisa "No ta morde. Mordemento ta haci dolor". Bis'e con e otro mucha ta sinti: "Mira con Betty ta yora. E ta yora pasobra bo a morde. Mordemento ta haci dolor". Bo mensahe mester ta cortico, simpel y cla.
3. Awor bo ta duna e mucha cu bo yiu a morde bo atencion. Mayoria biaha ora un mucha morde, e ta haya tur atencion di e adultonan. Esaki ta atencion negativo. Esaki ta pon'e sinti bon y tin mas chance cu e ta sigui morde, na lugar di stop. Ora bo schuif bo atencion pa e mucha mordi, bo ta demonstra cla cu mordemento no ta resulta den haya mas atencion. Ora bo pone atencion na e mucha cu bo yiu a morde, bo ta siña bo yiu sinti pa otro hende.
4. Si bo yiu por papia y por conta loke ta pas'e, bo por bis'e por ehempel "Si Tyson coi bo peluche y e no kier lag'e bay, bo ta bis'e: Tyson, esaki ta mi peluche. Duna mi e. Si e no kier duna bo e, bo ta bin bisa mi y mi ta yuda bo". Of: "Ora bo kier hunga cu Jenny, bo por bisa: Jenny, bo kier hunga cu mi? E ora ey bo amiga sa cu bo ta cla pa hunga cu ne."
5. Ofrece bo yiu un actividad por ehempel hunga cu klei, pinta of hunga pafo. Asina bo ta yud'e uza su energia na un manera